



**Vijeće za konkurentnost**

Broj: 02-02-895-1/14-VIII  
Jablanica, 05.11.2014.godine

**ZAPISNIK**

sa VIII (8) sjednice Vijeća za konkurentnost održane 05.11.2014.g. (srijeda) sa početkom u 14,00 sati

Prisutni: predsjednik VZK-a Ragib Mehmedagić, zamjenik predsjednika VZK-a Dženan Mulahasanović, Općinski načelnik Salem Dedić, Amela Muratović (predstavnik LER-a), Kemal Muratović umjesto Ajdina Teletovića (predstavnik Biroa za zapošljavanje), Eldin Memić umjesto Jusufa Džafića (Voćepromet), Edin Budim (Labrador), Edin Gorančić umjesto Muhameda Idrizovića (Savez poljoprivrednih udruženja), Jasmina Hindić (AC Sunce), Velida Buturović ispred Podružnice HE n/N, Senad Kovačević (Restroan Kovačević) i Amil Babić (Babić d.o.o.).

Odsutni: predsjedavajući OV-a Damir Šabanović i Amel Mandžuka (Granitmont).

Predsjednik VZK-a Ragib Mehmedagić pozdradio prisutne i otvorio rad VIII (8) sjednice VZK-a. Za sjednicu predložio slijedeći

**DNEVNI RED**

1. Izvod iz zapisnika sa VI I VII sjednice VZK-a
2. Razmatranje, usvajanje i formulacija zajedničkih inicijativa tri konkurentna vijeća (Konjic, Prozor i Jablanica)
3. Zaključak rasprave i dogovor o slijedećim koracima

Jednoglasno utvrđen predloženi dnevni red.

**Ad.1. Izvod iz zapisnika sa VI I VII sjednice VZK-a**

Općinski načelnik Salem Dedić iznio primjedbu kod tačke 3., te zamolio da se ispravi greška. Naime, konstatovano je da je napustio sjednicu, međutim kod glasanja stoji da je glasao iako nije prisustvovao ostatku sjednice.

Jednoglasno, uz korekciju koju je iznio Općinski načelnik Salem Dedić, usvojeni izvodi iz zapisnika sa VI i VII sjednice VZK-a.

**Ad.2. Razmatranje, usvajanje i formulacija zajedničkih inicijativa tri konkurentna vijeća (Konjic, Prozor i Jablanica)**

Nije bilo diskusije po ovoj tački dnevnog red.

Jednoglasno usvojene inicijative tri konkurentna vijeća (Konjic, Prozor i Jablanica).

**Ad.3. Zaključak rasprave i dogovor o slijedećim koracima**

Zamjenik predsjednika VZK-a Dženan Mulahasanović upoznao prisutne kako je tehnički sekretarijat dobio obavezu da okupi radnu grupu koja će formulisati inicijativu pod nazivom "Brža administracija". Sastanak radne grupe je održan 29.10.2014.godine. Na sastanku su donijeti određeni zaključci u smislu da se pojača uloga Info pulata Općine Jablanica, kao organa koji će ažurnije voditi predmete privrednih subjekata. Amela Muratović i Dženan Mulahasanović, kao tehnički sekretarijat VZK-a zaduženi da naprave akcioni plan.

Također, u mjesecu novembru se očekuje posjeta kumpjuterskih stručnjaka iz Indije, prilikom čega će se formulisati koraci neophodni za uvođenje "sistema 48". Osim toga, održan je i sastanak sa predstavnicima UNDP-a i REDAH-a, koji su istakli želju da nam pomognu oko formulacija inicijativa: Uspostava turističke zajednice u općini Jablanica i Bolja promocija općine Jablanica

Jasmina Hindić smatra kako je neophodno prvo stvoriti uslove za turizam, a tek onda krenuti s njegovom promocijom. Nedostaje još dosta toga da bi se turizam općine Jablanica mogao promovirati.


Amela Muratović istakla da, obzirom da imaju informaciju da je u pripremi nacrt zakona o turizmu koji predviđa turističke zajednice u svakoj općini, dobro bi bilo sačekati zakon pa tek onda raditi na inicijativi "Uspostava turističke zajednice u općini Jablanica", a do tada se posvetiti inicijativi "Bolja promocija općine Jablanica".


Amil Babić istakao mogućnost da se u Budžetu –Poračunu općine Jablanica za 2015. godinu planiraju sredstva za turistički ured općine Jablanica, obzirom da to nisu velika sredstva.

Dženan Mulahasanović predložio da se sačeka sastanak sa REDAH-om i UNDP-om, koji će se održati u skorije vrijeme, te da se tada sagledaju mogućnosti oko otvaranja turističkog ureda u Jablanici.

Amil Babić istakao kako podržava Dženanov prijedlog. Sagledati mogućnosti i onda formirati radnu grupu. Također, iznio prijedlog da jedna od zajedničkih inicijativa tri konkurentna vijeća (Jablanica, Konjic i Prozor) može da bude i Problem Jablaničkog jezera (trava itd.), obzirom da je to problem sve tri općine.

Presjednik VZK-a Ragib Mehmedagić zaključio rad VIII (8) sjednice u 14,30 sati.

Zapisničar  
  
**Azra Babić**

Predsjednika VZK-a  
  
**Ragib Mehmedagić**